

Morning Dogri (NSD) National News Bulletin 25-04-2025

आकाशवाणी

सबबने दलें दे नेताएं पहलगाम आतंकी हमले पर सरकार दी कारवाई च पूरा पूरा सैहयोग देने दा भरोसा दित्ता ऐ।

प्रधानमंत्री नरेन्द्र मोदी होरें आखेआ जे पहलगाम आतंकी हमले दे साजश रचने आलें गी उंदी सोच थमां बी बड्डी सजा दित्ती जाग।

संयुक्त राष्ट्र महासचिव होरें पहलगाम आतंकी हमले गी दिखदे होई भारत ते पाकिस्तान गी सबर रखने दी अपील कीती ऐ।

राष्ट्रपति द्रौपदी मुर्मू होर पोप फ्रांसिस दे राजकीय अंतिम संस्कार च हिस्सा लैने लेई अज्ज बडलै वेटिकन सिटी लेई रवाना होई गेइयां न।

दूई एशियाई योगासन खेड्ड प्रतियोगिता अज्जै थमां नमीं दिल्ली च शुरू होआ'रदियां न।

आईपीएल टी20 क्रिकेट च जंदी रातीं रॉयल चैलेंजर्स बैंगलुरु नै राजस्थान रॉयल्स गी 11 रंजें कन्नै हराई दित्ता।

<><><><><><>

All Party Meet

पहलगाम आतंकी हमले परेंत सबबने दलें दे नेताएं पाकिस्तान दे खलाफ सुरक्षा मामलें दी कैबिनेट समिति दी तरफा कीती गेदी कारवाई दा समर्थन कीता ऐ। उनें पहलगाम आतंकी हमले गी दिखदे होई नमीं दिल्ली च संसद भवन परिसर च सरकार आस्सेआ सददी गेदी सर्वदलीय बैठक दरान सरकार गी आतंकवाद खलाफ लड़ाई ते उंदे आस्सेआ संभावत कारवाई च पूरे समर्थन दा बी भरोसा दोआया। संसदीय मामलें दे मंत्री किरण रिजिजू होरें मीडिया कन्नै गल्लबात करदे होई आखेआ जे सबबने दलें आतंकी हमले पर चिंता जाहर कीती ते समर्थन दित्ता ऐ। उनें आखेआ जे रक्षा मंत्री होरें पहलगाम हमले दे सीसीएस बैठक च सरकार दी कारवाई दी जानकारी दित्ती। उनें आखेआ जे बैठक दरान सरकार नै होईसख्त कारवाई करने दी मंशा जाहर कीती।

बैठक च हिस्सा लैने परेंत मीडिया कन्नै गल्लबात करदे होई लोकसभा च विपक्ष दे नेता राहुल गांधी होरें आखेआ जे हर इक नै पहलगाम आतंकी हमले दी निंदेया कीती ते विपक्ष नै सरकार गी कोइ बी कारवाई करने आस्तै पूरा समर्थन दित्ता ऐ। कांग्रेस अध्यक्ष मलिकार्जुन खरगे होरें आखेआ जे सारे दलें आतंकवादी हमले दी निंदेया कीती। उनें आखेआ जे जम्मू कश्मीर च शांति बनाई रखने दे जतन कीते जाने लोड़चदे। इस्सै चाल्ली एआईएमआईएम दे सांसद ओवेसी होरें आखेआ जे एह कोई सियासी मुद्दा नेई ऐ। उनें आखेआ जे ओह इस सरबंधे व केन्द्र सरकार दे कुसै बी फैसले गी पूरा समर्थन देंगन। आम आदमी पार्टी दे सांसद संजय सिंह होरें आखेआ जे सारा देश दुखी ऐ ते राष्ट्र चांहदा ऐ जे केन्द्र सरकार आतंकवादिणं गी उंदी भाषा च मुंह त्रोड़ जवाब दे। बक्ख-बक्ख रालनीतिक दलें दे नेता इस बैठक च शामिल होए। एह बैठक लगभग 2 घेंअे तगर चली।

<><><><><><>

PM Terror Attack

प्रधानमंत्री नरेन्द्र मोदी होरें अज्ज आखेआ ऐ जे भारत, हर आतंकवादी ते उसी मदाद देने आह्लें दी पन्छान करियै उं'दा पता लाग ते पहलगाम हमले दे दोषियें गी पक्क गै सजा देग। उ'नें आखेआ जे आतंकवाद गी बख्शोआ नेई जाहग ते भारत, दुनिया दे कुसै बी कोने थमां आतंकवादिणं गी तुप्पी कड्डोग। श्री मोदी होरें राष्ट्री पंचैती राज दिवस दे मौके उप्पर अज्ज बिहार दे मधुबनी जिले च इक जनसभा गी संबोधित करदे होई आखेआ जे आतंकवाद करी देशै दा जज्बा कदें नेई त्रुट्टोग। प्रधानमंत्री नै आखेआ जे न्याऽ जकीनी बनाने लेई हर मुमकन जतन कीते जाडन ते पूरा देश इस घेइये पर मजबूती कन्नै खड़ोते दा ऐ। उ'नें जोर दि'दे होई आखेआ जे मनुक्खता च विश्वास रक्खने आह्ला हर इक व्यक्ति भारत दे कन्नै खड़ोते दा ऐ। श्री मोदी होरें भारत दे प्रति इकजुटता दस्सने लेई पूरी दुनिया ते दुनिया भरै दे नेताणं गी धन्नवाद कीता। श्री मोदी होरें आखेआ जे देसै दे 140 करोड़ लोकें दी इच्छेआशक्ति दे कन्नै अस आतंकवाद गी पक्क गै खत्म करगे।

<><><><><><>

UN Ind-Pak

संयुक्त राष्ट्र दे महासचिव एंतोनियो गुतेरेस होरें कश्मीर च आतंकवादी हमले दी पच्छोकड़ै च तनोतनी गी होर बघने थमां रोकने लेई भारत ते पाकिस्तान गी मते शा मता सबर रक्खने दी अपील कीती ऐ। महासचिव हुंदे प्रवक्ता नै पहलगाम च जंदे मंगलवारें होए दे आतंकवादी हमले च 26 बेदोसे लोकें दे मारे जाने दी निंदा कीती। उ'नें आखेआ ऐ जे भारत ते पाकिस्तान बश्कार सब्भनें मुद्दे गी सार्थक गल्लबात दे राहें रमानदारी कन्नै हल कीता जाना लोड़चदा ऐ। भारत नै पहलगाम आतंकी हमले दे बाद पाकिस्तान दे खलाफ केई गैहीं पुटिटियां न।

<><><><><><>

Army Chief J&K

सेना प्रमुख जनरल उपेन्द्र द्विवेदी होर पहलगाम आतंकवादी हमले दे मद्देनजर अज्ज जम्मू-कश्मीर दे दौरे पर आवै करदे न। सूत्तरें दस्सेआ ऐ जे सेना प्रमुख होर खित्ते च सुरक्षा हालात दा जायजा लैडन। सूत्तरें इब्बी दस्सेआ ऐ जे फौज दे मुकामी कमांडर, कश्मीर घाटी ते कब्जा रेखा दे नेडे आतंकवाद-रोधी उपाएं दे बारै च सेना प्रमुख होरें'गी अवगत करोआडन।

<><><><><><>

Bandipora Encounter

जम्मू-कश्मीर दे बांडीपोरा च अज्ज आतंकवादिएं ते सुरक्षाबलें बश्कार गोलीबारी होई ऐ। अधिकारिक सूत्तरें दस्सआ ऐ जे सुरक्षाबलें, इलाके च आतंकवादिएं दी मजूदगी बारै पक्की सूह थहोने परैन्त बांडीपोरा जिले दे कुलनार बाजीपोरा इलाके च घेराबंदी ते तपाशी अभियान चलाए दा हा। जि'आं गै सुरक्षाबलें दे जवान, संदिग्ध थाहरै कश पुज्जे तां आतंकवादिएं उ'दे पर गोलीबारी शुरू करी दित्ती जेहदा सुरक्षाबलें गी तुरत परता दित्ता ते टाक्करा भखी पेआ। सुरक्षाबलें दा अभियान जारी ऐ ते इस सरबंघै च होर ब्यौरे गी अजें बलगेया जा'रदा ऐ।

<><><><><><>

President

राष्ट्रपति द्रौपदी मुर्मू होर पोप फ्रांसिस दे राजकीय अंतिम संस्कार च हिस्सा लैने लेई अज्ज बडलै वेटिकन सिटी दे दऊं दिनें दी यात्रा पर होंगन। उंदे कन्नै संसदीय कार्य मंत्री किरण रिजिजू अल्पसंख्यक कार्य राज्य मंत्री जार्ज करियन ते गोवा विधानसभा दे उपाध्यक्ष जोशुआ दी सूजा बी मजूद न। राष्ट्रपति मुर्मू होरें उत्थें भारत सरकार ते लोकें दी तरफा संवेदना जाहर करगंन। विदेश मंत्रालय नै ब्यानै च आखेआ ऐ जे राष्ट्रपति अज्ज सेंट पीटर बेसिलिका च पोप फ्रांसिस होरें गी श्रद्धांजलि अर्पित करगंन। राष्ट्रपति होर कल उंदे अंतिम संस्कार च शामिल होंगन। एह्दे च दुनिया भरै दे होरने मन्ने परमन्ने दे लोक बी शामिल होआ'रदे न।

<><><><><><>

Court

दिल्ली दी इक अदालत नै मुंबई हमले दे साजशकर्ता तहव्वुर राणा दी याचिका खारज करी दित्ती ऐ। राणा नै अपने परोआर दे सदस्यें कन्नै गल्ल करने लेई एह् याचिका दायर कीती ही। विशेष न्यरयधीश चंदर जीत सिंह होरें एह् फैसला लैता। सुनवाई दरान राष्ट्रीय जांच अजेंसी एनआईए नै राणा दी याचिका दा विरोध कीता। एनआईए नै तर्क दित्ता जे राणा गी ऐसी अनुमति दित्ती गई ते ओह् अपने परिजन गी महत्वपूर्ण जानकारी देई सकदा ऐ। पाकिस्तान दी आर्मी कोर दा साबका अधिकारी राणा 26 नवम्बर 2008 दे मुंबई आतंकी हमले दा मुख साजशकर्ता ऐ। उसी 11 अप्रैल गी अदालतै 18एं दिनें दी एनआईए हिरासत च भजेआ हा।

<><><><><><>

Nepal

नेपाल दे प्रधानमंत्री के.पी.शर्मा ओली होरें अज्जै थमां शुरू होआ'रदे संसद दे सत्र गी संबोधत करगंन। वित्त मंत्री विष्णु प्रसाद पोडेल 29 मई गी नमें वित्त ब'रे आस्ते बजट पेश करगंन। सरकार दियां नभियां नीतिया ते कार्यक्रम 2 मई गी पेश कीते जांगन। सरकार संसद सत्र च 2 महत्वपूर्ण विधेयक पेश करोग।

<><><><><><>

Asia Yoga

दूई एशियाई योगासन खेड्ड प्रतियोगिता अज्जै थमां नमीं दिल्ली दे इंदिरा गांधी इंडोर स्टेडियम च शुरू होआरदी ऐ। योगासन भारत आस्सेआ आयोजित एह त्रऊं रोजा तगर चलने आली प्रतियोगिता 27 तरीक जगर चलगंन। एहदे च 21 एशियाई मुखें दे 170 शा बद्ध खडारी हिस्सा लैंगन। एह आयोजन योगासन महासचिव डॉ. जयदीप आर्य होरें दस्सेआ जे प्रधानमंत्री नरेन्द्र मोदी होरें योग गी अंतर्राष्ट्रीय मंच पर स्थापत कीता ऐ ते हुन इसी खेड्ड दा दर्जा थहोई गेआ ऐ। आयोजन भारत दे अध्यक्ष उदित सेठ होरें आखेआ जे योग दा अर्थ ऐ अपने आप कन्नै जुड़ना ते योग इंसान दे जीवन गी संतुलित बनाने च महत्वपूर्ण भूमका नभांदा ऐ।

<><><><><><>

IPL

आईपीएल टी-20 क्रिकेट च रॉयल चैलेंजर्स बैंगलुरु नै राजस्थान रॉयल्स गी 11 रंजें कन्नै हराई दित्ता। कल रातीं बैंगलुरु दे एम.चिन्नास्वामी स्टेडियम च रॉयल चैलेंजर्स बैंगलुरु नै 20एं ओवरें च 5एं विकटें दे नुकसान पर 205 रंज बनाए हे। विराट कोहली नै सब्बने शा मते 70 रंज बनाए जिसलै के देवदत्त पडिकल ने 50 रंज बनाए। परते च राजस्थान रॉयल्स नै 20एं ओवरें च 9 विकटें दे नुकसान च 194 रंज गै बनाई सकी। यशस्वी जयसवाल नै सब्बने शा मते 49 रंज ते ध्रुव जुरेल 47 रंज बनाए। अज्ज चेन्नई सुपर किंग्स दा मकाबला सनराइजर्स हैदराबाद कन्नै होग।

<><><><><><>